



Nakon zapljene 82 kilograma heroina u Zenici

## Istraga se vodi u strogoj tajnosti

Nakon što je objelodanjeno da su službenici Uprave za indirektno oporezivanje (UIO) BiH, u koordinaciji sa pripadnicima **Državne agencije za istrage i zaštitu (SIPA)**, 19. jula na području Zenice zaplijenili skoro 82 kilograma heroina, čija se tržišna vrijednost procjenjuje na više od 12 miliona maraka, istragu je preuzelo Tužilaštvo Bosne i Hercegovine.

Budući da je riječ o najvećoj zapljeni ove droge na području BiH, istraga se vodi u najvećoj tajnosti.

- U interesu istrage, ne možemo davati više informacije od onoga što je već ranije saopćeno iz **SIPA-e** i UIOBiH – kratko nam je



**Pošiljka stigla iz Bugarske** jučer kazala dežurna tužiteljica Tužilaštva BiH.

Kako je naš list već pisao, službenici UIOBiH pronašli su drogu u kamionu u krugu jedne zeničke firme. Pošiljka je u BiH stigla iz Bugarske. Službenici UIO-

BiH nisu imali potrebne testere, zbog čega su u pomoć pozvali pripadnike **SIPA-e**, koji su posebnim testerima potvrdili da je riječ o heroinu. Droga se, inače, nalazila u kartonskim kutijama.

**A. Ka.**